

Hottingawier II, yn it Leechlân biwenne troch Sipke IJ. de Boer



De twadde pleats yn it Leechlân mei de namme Hottingawier is de pleats biwenne troch Sipke Ydes de Boer. It is in mânske stjelp en men kin oan de bou wol sjen, as ien fan de beide pleatsen forband is, dat it dan dizze wêze moat. De pleats fan Liezinga is oan bou en oan model folle âlder.

Ik trof de hear De Boer yn it lân oer de dyk, dêr wie hy drok dwaende mei nei-ûngetiid, alhoewol de loften der net better op waerden en wy sa nou en dan al ris in spatsje fielden.

Wy hawwe yn it lân in praetsje makke. De hear De Boer hie it drok, hy forwachte dy neimideis in ekskurzje fan bûtenlanners, rounlaet troch minsken fan it Friesch Rundvee Stamboek, om oan dizze bûtenlanners it Fryske fokfé fan de lichte groun sjen to litten.

Nou se wiene by S. Y. de Boer wol toplak; dy is fokker en hat de lêste 10 jier mear as 125 bikroaningen helle. „Wy hawwe in geryflike pleats”, sa fortelde De Boer my, „al it lân leit by it hûs”.

Dizze pleats is 36,82 ha great en der wurde plm. 42 melke kij hâlden. Op myn fraech of it marlân der noch by wie kaem in bifêstigiend an-

dert. Ik fortelde oan De Boer, dy trije stikken mar dêr wit ik nou noch alle ekers wol fan en ik de dwersekers.

Yn it marlân fan jou pleats ha ik as lytse jonge de measte ljipaeijen foun. Net dat ik forstân fan de fûgels hie, mar wy sochten it hiele fjild ôf, greppelskant, middeneker, greppelskant en dat koe as wy moarns mei heit fan't bêd kamen sahwat krekt foar de thé barre. Ik bin forskate kearen mei in stik of fiif ljipaeijen thús kommen.”

„Nou sa ryk is it nou maitiids net mear”, sei De Boer. Hy fortelde dat de pleats nou eigen is oan de hear G. Terpstra fan Roardhuzum.

Yn de floreen- en stimkohieren fan Grou komt dizze pleats foar by nu. 44. Eigeners en brûkers hawwe west: 1640 Pijtters Andries, Tjaard Eckinga en Jan Jeltens eigeners.

1698 Yda Sikkama tot Leeuwarden, Tjaard tot Oosterwierum, Petrus Nyzen en Sybren Sybrens tot Grou eigener, brûker Marten Baukes.

1708 As yn 1698. 1718—1738 Old Grietman van Scheltinga eigener; Marten Baukes brûker. 1748—1758 Widd Wiskjen van Scheltinga eignerske, Marten Boukes brûker.

1768 Grytman van Scheltinga eigener, Gerben Boumes brûker.

1778 Selde eigener; Jochum Brugts brûker.

1788—1798 Selde eigener en brûker.

1818—1838 S. v. Haersma eigener, D. R. Snoek brûker.

1848 Catharina de Block van Scheltinga eigener, Douwe Romkes Snoek brûker.

1858 Mr. H. W. de Block van Scheltinga ¼ part; Daniel, Hans Willem en Frans Julius de Block van Scheltinga elts ¼ eigener; Pieter Everts Hiemstra brûker. Oant safier de floreenkohieren. Dizze pleats hie 72 pounsmiet floreenplichtich lân en hie 1 stim.

Yn myn bernejierren hat Widd. W. U. Hornstra der wenne, yn 'e folksmûle Willems Diuwke. En dy wie it dy't ús altyd tastimming joech om yn har mar-lân to aaisykjen.

Fan 1910—1939 hawwe Yde Sipkes de Boer en Akke Zwanenburg der buorke.

Fan 1938—1964 Sipke Ydes de Boer en Roelofje Harmsma. It twadde geslacht De Boer. Se fiele harren forboun mei de pleats en it bidriuw.

d. H.